

22. marts 2019

UPA 2019/1

Ataatsimiinnerup ammarneqarnera

(Inatsisartut Siulittaasuat)

Inatsisartut 2019-imi upernaakkut ataatsimiinnerat maanna ammarneqarpoq.

Nuannaarutigeqaara ullumikkut Inatsisartunut ilaasortaqtikka upernaakkut ataatsimiinnissatsinnut matumunnga maanga ataatsimiittarfitsinnut ullumi tikilluaqqusinnaagakkit. Oqaluuserisassat pingaarutillit oqaluuserisussaavagut, neriuutigaaralu suleqatigiilluarnitsigut angusaqarfiulluartumik oqaluuseriumaarivut.

Naalackersuisut inatsisiliortullu pitsaasumik inerititaqarfiusumillu suleqatigiinnissaannik kissaateqarlunga taamatuttaaq Naalackersuisunut ilaasortat soorunami aamma qamanga pisumik tikilluaqqakka.

Inatsisartut Ombudsmandiat kiisalu Naalagaaffiup Sinnisaa qamanga pisumik tikilluaqqakka.

Taamatuttaaq tusagassiortut ataatsimiinnermik malinnaasut, minnerunngitsumillu inuttaasut tusarnaartut tikilluaqqakka.

Nunatsinni isorartuumi innuttaasut, ataatsimiinnitsinnik TV-kkut inatsisartullu nittartagaatigut malinnaasinnaasut, aamma tikilluaqqorusuppakka.

Inatsisartuni timitalimmik suleqatigiinneq tamatta kissaatigisarput nammineq takkunnaviangilaq, aatsaalli nunatsinnut tamarmut inunnullu tamanut maani najugaqartunut iluaqutaasumik ataqqeqatigiilluta oqaloqatigiinnitsigut immitsinnullu tusarnaarluta isummatta ammasumik naapisinniartarnerisigut timitalerneqarsinnaalluni.

Inatsisartunut ilaasortaq Niels Thomsen, Demokraatit Inatsisartut ataatsimiinneranni matumani napparsimasutut nalunaarutiginnippoq, taamaalillunilu sinnisussamik aggersaasoqarpoq. Simigaq Heilmann sinnisussatut aggersarneqarpoq Qinigaanerullu Misilinneqarnissaanut Ataatsimiititaliap Simigaq Heilmannip qinigaasinnaanera akuersissutigaa.

Taamaalillunga Simigaq Heilmannip Niels Thomsenimut sinnisutut ataatsimiinnernut peqataanissaata Inatsisartunit akuersissutigineqassasoq inassutigaa.

Akerliusoqarpa?....

Tikilluarit, Simigaq Heilmann, Inatsisartuni inissannut ingeqqullutit qinnuigineqarputit tikilluarillu.

Taamatut oqqaaseqarlunga kikkut tamaasa Inatsisartut 2019-imi upernaakkut ataatsimiinnissaannut uummammit pisumik tikilluaquakka. Neriutigaara ataatsimiinnigut pitsaasumik angusaqarusuffiusumillu ingerlanneqassasut, kiisalu katersuunnermi angusassatut siunniunneqarsimasut angujumaarigut.

Taamatut oqaaseqareerama oqaluuserisassani immikkoortup tullianut, imm. 2-mut, tassalu ullormut oqaluuserisassat pillugit nassuiaammut ingerlaqqissinnaavugut.